

EUSKALTZAINDIA'REN

LAUGAÑEN URTEKO BATZARAK

Donosti'n, Gipuzkoa'ko Aldundi-Jauregian,
1922'ko Urriaren 26'an.

Azkue jauna maipuru dalarik euskaltzain jaun abek batzaraldira datoz : Kanpion, Urkixo, Lakonbe, Landeretxe, Intza, Altube, Olabide, Eguskitza, Intzagarai, ta urgazlerik batez.

Otoitza egin da, Maipuru jaunak gaztigatu du : Eleizalde euskaltzain argi ta lankide maitea gaixorik dagola ta euskaltzañak naigabe aundiz entzun dute gaztigu au.

1. Euskaltzaindiak atsegiñez daki : Orduñan ta Loyolan euskal-ikasgoak jañi dirala.

2. Aita Intzak adierazten du : Iruña'ko Apaiz-ikastetxean bertako euskal-irakasleari 1.500 peseta emango zaizkiola urteko ikastaroagatik; bañan *Instituto*'ko euskal-irakasleari 3.000 pesetako saria egotzi zaiola. Aita Intza-ren aburuz, berdin saritu bear lirake bi irakasleak : 3.000 pesetaz.

Euskaltzaindiak, Intza ren aburua ontzat arturik, Irujo Napañoa'ko aldun jaunari idatziko dio, beronen laguntza eskaturik, Apaiz-ikastetxeko irakaslearentzat ere beste 3.000 peseta lortu ditezen, 1.500 en ordez.

3. Aita Intza'k berak dasa ; aurreko batzaraldian erabaki zanez, Etxari-Aranaz'ko euskal-jaiia gertu-gertu dagola. Onetzaz Euskaltzaindiak auxe erabaki du : Napañoa'ko Aldundiari otoi egitea, beronek, euskal-jailerako egun jakiña ta jai ortako buruzagi izan diteken aldun jaun bat aukeratu ditzan.

Euskaltzaindiak, bere aldetik, Kanpion ta Intza euskaltzañak, bere ordezkotzat aukeratzen ditu.

4. Bareño ta Oyarzabal idazle jaunai esan bear zaie : *Euzkadi* izparingira ainbat idazki, Euskaleriko beste izparingietara bidali ditzatela. Euskaltzaindiak izparingi abei otoi egingo die, idazle jaun oien lanai beriz ere añera ona egiteko. Azkue jaunak Donostiko *Pueblo Vasco*'ko nagusi Pikabea jaunari otoi ori bera, eskutitzez, egin bezaio ta Intzagarai'ek ezkutitza eskuz eman lezaioke. *Diario de Navarra*'ri Oyarzabal'ek bidali bezazkio bere euskal-lanak, baña erderazko itzulpena jafi-ta.

5. Gerhard Bahr, Alemanian dagon euskaltzale onari, Euskaltzaindiak, bere euskal-lanen saritzat, 200 peseta oraingoz eman bezazkio. Opor egunetarako Euskaltzaindiak egotziko dizkio lantxo batzuek ta geroxnean *beka bat* emateko asmotan dago.

6. Apraiz jaun bekaduñari idatzi bear zaio, *Atlas lingüístico* lanetan bereziz jardun dezala, bere oraingo ikasketak utzi gabe. Bahr jaunak ere *lingüística*'ko ikaskuntzari gogoa lotu bezaio. Polikarpo Iraitzoz'ek udarako opor egunetan Aita Etxalar laguntzale bikain zaiolarik, Napañoa'ri dagokion Erizkizundiko lanetan ekin lezake ta Bahr jauna, udaran Euskalerian balitz berau ere lan ontan lotu liteke. Lakonbe jaunak Bida-soatik aruzko erizkizundi-lanak artu bitza, Gabel

jauna lankide zaiolarik ta Aita Iraitzoz ta Gerhard Bahr, Napañoa'ko lanak bukatzekotan, Bidasoatik aruzko erizkizundian ere ařeta bitez.

7. Euskaltzaindiak *Atlas* bat erosteko eskubidea, Urkixo jaunari eman dio.

8. Galdakano'ko Olak urgazten dituen ikasgotan, ez euskeraz erakutsi, ez euskeraz ezer egiten ez da. Ango Nagusiari idatzi bear zaio, euskeraren alde zerbait egiteko otoietan.

9. Begoña ta Deusto'ko Apaiz buruai ařen egin bear zaie, igandetako seietako Mezetan bederik, euskerazko itzadiak egin ditezela, ta beste gai batzuek bigaramonerako utzi-ta, araudi otoitzat amaitu da batzařaldi auxe.

Donosti'n, Gipuzkoa'ko Aldundi-Jauregian, 1922'ko Uřila'ren 27'an.

1. Azkue jauna maipuru dalarik, aureko agirian izendatzen diran euskaltzain jaunak batzařaldira datoz, ta oni, oiturazko otoitzaz, asipena eman zaio.

2. Altube jaunak bere lan bat dakar. Azkue ta Eguskitza jaunak, aditz-auretik etoři oi diran, *bai* eta ez-ekiko txostenak len idatzi zituzten. Eguskitza jaunarenari Altube'k oarpide batzuek egin nai dizkio, ta orixe da beronen lanaren gaia. Irakuři du ta Eguskitza jaunak erantzun dio.

3. Batzařaldi ontako V-gařen erizkizunak auxe dio : «Gure eskariari erantzun ezti en apaizburuai (be-